

## Tharzat:

Variety a zirin tin hnih leh a chanve hmunah quintal 150-180 vel a thar theih.

## Seng Nnua Enkawl Dan:

Seng hnuah daihlimah dah thin tur a ni a, hrukfai/silfai a a rah hmel mawilo leh natna kai te paikh tur a ni. Tomato hi temperature 12°C ah kar 5-6 vel a dah that theih bawk.



## Natnate:

- Vutbuak:** Tomato hnah ah vut buak rawngin a lo paw thin a, a nasat chuan a rah thlengin a tlem phah thin.

**Enkawl Dan:** Vutbuak natna a lo awm chuan **Hexaconazole** 1ml tui litre khata pawlhin kah tur.

- Hnahkir:** Tomato hnah a lo kir a, hei hi boruak lum lutuk avang leh rannung chikhat whitefly in a thlen a ni a.

**Enkawl Dan:** **Imidacloprid** 3ml tui litre khata pawlhin kah tur.

- Early & Late Blight:** Early blight natna a awm chuan a hnalah spot ang deuhin a lo val a, a rei

hnuah Tomato hnahte lo engin an lo ro a, a hnahte an tla kawlh thei.

Late blight natna ah chuan tomato hnalah te, a kungah te val dum angin an lo awm a, a hnalah pum puite an lo ro thin a ni. Tin, he natna hian a rah thlengin a khawih a, an lo val a, an lo tawih thin.

**Enkawl Dan:** **Dithane M-45** emaw **Ridomil** 2gm tui litre khata pawlhin kah tur.

- Bacterial wilt:** Hetiang natna in a tlakbuak chuan a kung pumpui an lo vuai a, an thi thin. Lei atanga kai theih a ni a, Bacteria in a thlen a ni. Bacteria te hi temperature sang leh hnawngah an tam duh bakah lei al lutuk ah an awm duh bawk.

**Enkawl Dan:** **Dithane M- 45** emaw **Blitox** 2gm tui litre khata pawlhin kah tur.

## Rannung:

- Mites:** Tomato hnah an zuk a, an lo eng thin.

**Enkawl Dan:** **Abamectin** 3ml tui litre khata pawlhin kah tur.

- Leaf miner:** Tomato hnah kara pangang awmin hnah an hreuh rang thin a, tomato hnah hnailam/upa lam an tichhe nasa thin.

**Enkawl Dan:** **Deltamethrin** 1ml tui litre khata pawlhin kah tur.

- Thrips:** Rannungin an bawm nasat chuan Tomato hnah rawng a lo danglam thin a, silver rawng ang deuhin a lo awm thin.

**Enkawl Dan:** **Acephate** 1.5g tui liter khata pawlhin emaw **Imidacloprid** 0.5ml tui liter khata pawlhin kah tur.



**Department of Biotechnology, Govt. of India Sponsored**

**Biotech KISAN Hub**  
**Mizoram University, Aizawl**  
**Dept. of Horticulture, Aromatic and Medicinal Plants**

**Greenhouse Chhunga Tomato Chin leh Enkawl Dan**  
**(Protected Cultivation of Tomato)**



**Prepared by:**  
**Krishi Vigyan Kendra, Lunglei District**  
**Govt. of Mizoram**  
**Phone No: 9436152633**  
**Email Id: kvklunglei@gmail.com**

## Introduction:

Greenhouse/polyhouse chhunga thlai chinah chuan tomato hi a lar ber pawl a ni a, greenhouse chhunga tomato chin hi a rah quality a tha bikin kumtluanin a chin theih a ni.

Greenhouse kan tih hi chi hrang hrang a awm a, steel, thir, thing leh mau hmanget a siam theih a, greenhouse/polyhouse chhungah hian tomato zam chi (indeterminate) hi an ching tlangpui thin a ni.

Tomato hi kan thlai chin te zinga pawimawh tak a ni a, chawhmeh atan bakah salad-ah te, soup-ah te, ketchup, sauce, etc. angte in an siam chhuak nasa hle bawk. Vitamins, Minerals leh chaw tha dang a pai hnem avangin a pawimawh em em a ni.

## Nursey Buatsaiah Dan:

- Tomato kuina tur chu uluk taka lei leh phut a, tih zawl that leh tur a ni a, hemi hnu hian nursery bed 15cm a sang leh meter khat a zauin siam a, organic leitha (eg: vermicompost) te nena chawhpawl leh tur a ni.
- Tomato kui nan hian protray/seedlings tray pawh a hman theih bawk.
- Nursery bed siamte chu Formalin 4%, liter 4 zelin meter khat bial zela lei chu kah huh leh vek tur a ni.
- Hetianga lei kan sawngbawl hnu hian ni 3-4 vel polythene mulch (100 micron) hmanga lei chu khuh leh vek tur a ni a, chumi hnuah lei khuhna chu laksawn leh tur ani.
- Polythene chu hlih a, lei chu chawh leh tur a ni a, ni 4-5 chhung nursery bed chu dah theng thawt a;

chumi hnuah Neem cake 200g zel meter khat bialah pek leh tur a ni.

- Nitrogen, Phosphorus leh Potassium a tirah 5g zel meter 1 bial atan pek leh tur a ni a, tin phunsawnna tur polythene mulch chu a tlar leh tlar inkar 60cm leh kung leh kung inkar 45cm a zauin phun hmaa verh kuak hmasak tur a ni. Hetia polythene hmanga khuh hian lei hnawnna a siam bakah hnime to tur a veng bawk a ni.

## Phunsawn:

- Tomato tiak chu phunsawn hma nikhatah **Imidacloprid** 3ml leh tui liter khat chawhpawlhin kah tur a ni a, phunsawn niah **Carbendazim** 1g leh tui liter khat chawhpawl a kah bawk tur a ni.
- Tomato tiakte chu polythene mulch verh kuak lai takah chuan phun tur a ni a, 60 cm x 45 cm inkar hlatin 2-2.5 cm vela thuken phun tur a ni. Phun zawn veleh tuipek tur a ni a, nitin thlai tiak nun that thlengin tuipek a tha.
- Phun hnuah tomato tiak thi an awm chuan **Copper Oxychloride** (3g tui liter khata pawlh) emaw **Carbendazim** (1gm tui liter khata pawlh) a kah tur.

## Tuipek:

Drip irrigation hmanga tuipek hian nitin metre khat bialah 2-3 litre peka ngai a, boruak awm dan a zirin a danglam thei bawk. Tui hi Drip irrigation hmanga pek a nih dawn chuan phun hmaa tih fel vek tur a ni.

## Leitha pek:

Tuipek ruala leitha pek (fertigation) hi a pawimawh hle a, water soluble fertilizer kan tih mai N:P:K

19:19:19 gram 3.75 hi meter khat irrigation hmanga pek tur a ni a, kar khatah vawihnih zelin phun atanga kar thumnaah pek tan tur a ni. Phun atanga ni 60 na atangin ni 30 danah micronutrients pek bawk tur a ni.

## Peng Pah leh Zamna Siam:

Tomato kung khatah peng hnih zel zuah hi a tha a, phunsawn atanga ni 20 atanga 30 tangin a peng pah tan in kar khat dana pah zeuh zeuh thin tur a ni.

Kung hnuai lama peng dang lo chawrte chu pah leh tur a ni. Tomato kungte chu plastic hrui hmanga zamna siamah zamfir tur a ni a, peng tin kha a zamna hrang theuh a siam tur a ni. Phunsawn atanga kar 4 naah emaw zamna siam vat hi a pawimawh hle. A peng pahin kar khat danah zamna siam that thin tur a ni.



## Hnah Pah leh Kung Sang Lutuk Enkawl:

Tomato hnah upa leh hrisel lo te chu phunsawn hnuah pahfai zung zung tur a ni a, kuta sik loin bakcheh emaw cutter emaw hman hram thin tur a ni. Phunsawn atanga ni 70 ah pah tan a tha. Tomato kung sang lutuk tur ven nan ni 20-30 danah phun atanga ni 80-90 tangin a zamna hrui thlah dul zeuh zeuh tur a ni.

## Seng Hun:

Phun atanga ni 70-80 naah seng tan theih in, ni 170-180 thleng variety a zirin a seng theih thin a ni.